


სამაგისტრო ნაშრომის დაცვა



2018 წლის 14 დეკემბერს სასულიერო აკადემიაში შედგა სასწავლებლის კურსდამთავრებულის გიორგი ჯანჯღავას სამაგისტრო ნაშრომის :

“წმინდა სოფრონ იერუსალიმელი და მისი ჰომილია „მიგებებისათვის“ დაცვა.

თემის სამეცნიერო ხელმძღვანელი იყო ფილოლოგიის მეცნიერებათა დოქტორი, პროფესორი ნინო მელიქიშვილი. რეცენზენტი იყო თეოლოგიის დოქტორი ირაკლი ორჯონია. დაცვას ესწრებოდნენ თბილისის სასულიერო აკადემიისა და სემინარიის სამეცნიერო საბჭოს თავმჯდომარე, რექტორი, თეოლოგიისა და ფილოლოგიის დოქტორი, პროტოპრესვიტერი გიორგი ზვიადაძე და სამეცნიერო საბჭოს წევრები. მაგისტრანტმა წარმოადგინა ნაშრომის ანოტაცია და ძირითადი დასკვნები.

კვლევის შედეგად დადგინდა, რომ შინაარსის თვალსაზრისით ჰომილია საკმაოდ მნიშვნელოვან დოგმატურ, ეგზეგეტიკურ ხასიათის სწავლებას შეიცავს. ჰომილიის ტექსტის ქართული თარგმანი რამდენიმე ხელნაწერის მიხედვით იქნა შესწავლილი და შედარებული შესაბამის ბერძნულ დედანთან, გამოიკვეთა ტექსტობრივი და საღვთიმეტყველო შინაარსის ინტერპრეტაციის თავისებურებანი.

თემის ხელმძღვანელმა პროფესორმა ნინო მელიქიშვილმა ისაუბრა ნაშრომში განხილული საკითხის აქტუალობაზე. მან აღნიშნა, რომ მაგისტრანტმა გულდასმით დაამუშავა თემასთან დაკავშირებული სამეცნიერო ლიტერატურა და საკუთარი დაკვირვებები წარმოადგინა. რეცენზენტმა, თეოლოგიის დოქტორმა ირაკლი ორჯონიამ მაგისტრანტის ნაშრომთან დაკავშირებით გამოთქვა შენიშვნები და თემას დადებითი შეფასება მისცა. სამეცნიერო საბჭოს წევრებმა დასვეს რამდენიმე შეკითხვა, რაზეც მაგისტრანტმა არგუმენტირებულად უპასუხა.

დასასრულს, სამეცნიერო საბჭოს თავმჯდომარემ, რექტორმა, პროტოპრესვიტერმა გიორგი ზვიადაძემ შეაფასა მაგისტრანტის ნაშრომი. მან აღნიშნა, რომ გიორგი ჯანჯღავას ნაშრომი ნამდვილად კეთილსინდისიერად არის შესრულებული, მაგრამ საჭიროა მეტი დაკვირვება, ანალიტიკური მსჯელობა და უფრო მყარი არგუმენტირებული დასკვნების გამოტანა. რექტორმა მაგისტრანტს შემდგომი წარმატება უსურვა.

გიორგი ჯანჯღავამ მადლობა გადაუხადა პირადად სასულიერო აკადემიისა და სემინარიის რექტორს სასწავლებელში შექმნილი სასწავლო და სამეცნიერო გარემოსა

და ხელშეწყობისთვის, ასევე თემის ხელმძღვანელს პროფესორ ნინო მელიქიძევილს განუვლი დახმარებისთვის და რეცენზენტს ნაშრომის გულდასმით წაკითხვისა და სასარგებლო რჩევებისთვის.

სამაგისტრო ნაშრომის დაცვის კომისიამ მაგისტრანტ გიორგი ჯანჯღავას ნაშრომი 85 ქულით შეაფასა.

Image not found or type unknown

